

橫雲山人集

橫雲山人集卷之七

雲間王鴻緒儼齋撰

山暉集

上宋荔裳先生

屈指論當代何人藝苑傳
蘭臺真作者大雅冠羣賢
灝氣包瀛海高文挺嶽蓮
胸分奎宿爛筆綴夜珠圓
得主凌雲賦乘時寶劍篇
廣川堪並駕士雅讓先鞭
更識金魚貴爭看粉署仙
冰壺澄九品玉尺量三銓
望自清通著談於風月偏
賜衣頻捧詔倒甕輒沉眠
宜晉台衡座還資保障權
黍苗寒谷

律雨露薊門天課以旬宣最榮仍節鉞遷函關山
勢壯仙掌月輪懸飛蓋黃花驛題詩白豹川草堂
人可接杜老句同鑄廡有談經士囊無去國錢棠
陰秦樹滿宦跡鑑湖連乍掃鯨鯢靖因推獬豸專
黃沙當鏡澈墨吏望風旋梅探孤山雨香攜鷺嶺
烟訟庭封碧草鈴閣酌廉泉名爲清流集辭翻黨
禁牽鄒陽梁獄日越石左驂年北闕開仁網南山
種薄田勝情三島外游屐五湖邊并識賢人聚帷
知弟子褰寓言超蝶夢小令入鵬絃峰泖虛靈秀
機雲罷綺妍龍門真獨聳馬巷得相聯燕石難追

琢樗材合棄捐琴書空入雒珠玉贈遊燕獻策身
徒爾看花淚泣然至今慚白雪自昔愧青氈五字
吟成癖三年札未穿項斯嘗在口賜也未窺肩拂
拭鉛刀利吹噓退鷁前九方叨一顧伏櫪最矜憐

修竹篇贈筠士上人

有序

筠士少託青蓮聲蜚白社叅來慧日時降毒澗
之龍興入南峰好放秋林之鶴筆翻羅什之經
文成貝葉水壓圖澄之偈鉢捧天花人同玉樹
倚鷺嶺以臨風胸抱驪珠嗣碧雲而振響矧惠
遠談空盡是鵠王妙義道林結客無非雀巷名

流披宋玉之風陪蘭臺而作賦迓周顒之駕憩

鹿苑以題詩

筠士見許於宋荔棠周釜山兩先生

且性愛琅玕徑

開巖壑叢生烟霧每棲三島之禽影寫檀欒常

把七賢之臂何幸上人漫催短句扇異蒲葵之

製篇仍修竹之名體變五言韻成七古遠慚伯

玉有媿碎金矣

香刹谷水陽誰種琅玕竹三竿復兩竿傳是簣簣
谷下蟠蕙草根上灑松枝綠禪房花木春日濃霜
姿獨爾凌秋冬自我柰苑時棲鳳不藉長房化作
龍年來密蔭遮三徑拔地梢雲更奇勝寫月垂垂

講院燈吟風歷歷齋壇磬我從燕山歸風塵嗟蹢躅
蹬青衫欲脫不得脫且向空門學禪定高歌來化
城竹下苾芻迎人如修竹清修竹同其名惠休文
筆支公塵未知今日誰爭衡臨行貽我東陽扇謂
余詩句能百鍊漫道王猷愛此君誰知焚却君苗
硯吁嗟乎蘭臺宋玉今神工截筩嶰谷吹黃鐘過
江僕射中郎識能使柯亭椽竹爲長簫余生不得
東上蓬萊西少室安能胸吐瀟湘碧但有嶽峙歷
落心常憐峭蒨青蔥色

送洪居遠入都兼寄秦方回姚赤城

故園春日花滿樹金樽綠酒畱君住自言幕府借
才賢輕裘駿馬長安去洪子洪子荆山玉昔獻君
門悲別足胸中豪氣碧天高那肯低眉老鄉曲自
是交遊滿帝京却笑傷人何局促送君揮袂別茸
城黃鳥飛翻驛路鳴漢時雲開晴嶽迴燕臺雨過
夕烟明到時諸子重攜手爲道王郎一寄聲

無題

晴雲忽下碧城鸞姑射迎來漏未殘對月豈知銀
燭短飛螢時點玉釵寒小蠻楊柳風中軟靜婉蓮
花掌上看試問陽臺曾到否佯羞低倚赤闌干

春思

柳絮紗窗色櫻桃玉砌花春風無限好飛去落誰家

宮怨

長信宮中月含情夜夜生嫦娥知寂莫作意向窗明

調馬

驕驄春日亭城西隅目連錢白玉蹄柳畔石潭新
試浴花陰珠勒半含嘶

閨思

鎮日無人鎖鏡臺，不堪繡戶滿蒼苔。
愁心欲付春潮去，曉落晴江晚又來。

懷兄后張

零落燕山客，歸裝滯隔年。
思親殘夢外，和淚百花前。
袖滅彌衡刺，囊羞趙壹錢。
南飛無數雁，好把尺書傳。

奉酬大宗伯合肥龔先生

良弼佐昌期，履聲戛雲陛。
薰風虞帝絃，肅穆姬公禮。
梧桐鳳凰翔，卷阿賡繼體。
鹽梅說命申，稼穡邠風啓。
休沐下彤墀，蘭藻輝旌棨。
綠楊蔭瑣窗，繁花

散玉醴致君丹石心憂時素絲涕仰止溯千載濁
河辨清濟

其二

鏘鏘宣武門憶昔侍芳醺綺疏結象筵簫甚金閨
彥吹笙復鼓簧羽爵難具算玉軒樹畱鶯晶簾風
入燕歡賞日易沈雙闕耿銀漢歷歷鐘漏移冉冉
花光泣握卷示瓊玖蔚若雲霞爛哲人揚吐握下
士增婉孌仰慚樂顧榮頓失周璞賤

其三

京雒悵緇塵徒步歸巖谷朝餐東海霞暮煮崑山

玉揚葩芬紫蘭吐苗裊黃獨徙倚懷君子翩然感
鴻鵠鴻鵠雲中至素書炳人目長跪一以誦高文
何馥郁雨露灑枯株華袞被裸俗感激抱區區銜
情聊躑躅

五日前一日同鷹垂兄顓士邀宋荔裳先生
吳六益張硯銘董閭石蒼水泛舟龍潭雨
阻移席周子春暉堂分韻得舟字

擬向城西泛碧流共看簫鼓競龍舟移尊曉度羣
峰雨開閣涼生五月秋玉腕行盃歌白紵雕闌枕
石逗紅榴蘭臺楚些吟成後不到江潭總欲愁

夏日侍家大人同宋荔裳先生吳六益兄韻
士飲張忍齋先生竹深書屋

高館邀賓白日斜，曲欄隨處踏烟霞。
八窗翠寫貧簪谷，一澗香開菡萏花。
劇喜雄風憑宋玉，誰憐寶劔拂張華。
知公念切通門舊，杖履追隨未有涯。

夏日小集茗粥堂分韻得寬亭字賦送宋荔
裳先生

蘭橈移浦澈草閣，且盤桓縱酒追河朔。
論詩數建安松風，吹葛細巖月寫盃。
寬高會非逃暑驪駒話別難。

其二

江城沈夜角賦別醉中聽斜漢三更白高梧一檻
青路難愁倚劒天濶好揚舲惆悵雲霄隔寥寥問
字亭

送宋荔裳先生入都

十年帝里候鳴珂踪跡偏教滯薜蘿高臥雲山安
石健薄遊詞賦長卿多一樽畫漿開南浦六月輕
帆掛濁河莫惜瓊瑤征雁迴秋風谷口奈愁何

其二

還朝劍珮入承明雙闕重瞻瑞靄平御苑夏雲隨

玉帳仙盤秋露落金莖共知旃厦客羣牧應有文章駕兩京獨怨龍門千里隔吹噓誰到魯諸生

題鄒氏君子亭

愛蓮處士園亭好夏日池塘觸眼紅種比華峰開玉井花同太液繞離宮潭魚倚葉吹晴浪水檻浮香坐晚風何事賓朋爭屬和一帆申浦起潮東

夏日過兄顓士西園

伯氏幽棲處真成隱者居竹欄晴護鴨巖澗碧跳魚松下彈碁後風前晞髮初自耽丘壑趣長著子雲書

其二

石砌桐花放銀塘
菡萏鮮香延巖逕
入涼愛水窗
前文選攤晴几
黃庭擘綵箋
怡情天地外
高臥即神仙

其三

臺榭堪垂釣悠然此一涯
蜻蜓當檻亂翡翠掠波
斜嫩竹春天
筍幽蘭暑月花
輞川新句好未許世人誇

其四

三伏渾忘暑千章嘉樹林
晝眠冰簟冷雲護石苔

陰何日依金谷爲園擬翠岑自知勞結想對景動
微吟

草閣

江邊一草亭巖石水泠泠沙渚流星白梧桐受月
青栖鳬原合隊倦鶴自梳翎誰笑田家僻吾生任
醉醒

酬閩中陳昌箕次原韻

五十年前過白苧重來雙鬢已生華黨人賸老張
元節亡國高談李左車亂後江鄉屯虎豹歲凋耆
舊怨龍蛇知君匣裏新詩滿潦倒乾坤著處家

送兄后張之潮陽

去秋別酒對西山憐余匹馬出燕關今日池塘是
故鄉看兄六月又潮陽問兄何事苦奔走客中五
見青楊柳獻策誰能叫帝闈還家四壁空搔首爲
少蘇秦負郭田難甘原憲衡門守憶昔聯翩瞻鳳
闕攬結聲華誇玉友壯氣高凌海嶽間詩篇肯落
曹劉後霜臺侍御愛論文施徐二公今山斗花下
時開翰墨場鐘聲夜半傾盃酒游揚兄弟羣僚上
却話新篇不容口即今踠翼竟沈淪一東淒涼同
敝帚饑驅欲覓賣文錢傍人大笑輕芻狗名蓋長

安那不知囊垂趙壹嗟何有君不見相如當年不
得意臨卽作客恣遊戲一朝詞賦多輝光九重嗟
嘆凌雲氣如兄碩學未途窮且看羅浮蜃氣中嶺
樹倒翻么鳳綠驛樓輕擘荔枝紅到日正逢椒瘴
少秋濤無恙鱸溪空獨有西堂臥惠連相思南海
隔雲烟客裝倘得新詩滿莫滯炎荒又一年

贈沈雪峰

家園烽火逐飛蓬白首全生戰伐中九辨江潭追
宋玉五噫京洛賦梁鴻蓼莪恨灑啼鵲淚薜荔秋
清放鶴風自是乾坤堪獨老禪林閒對佛燈紅

奉懷田髯淵先生

柳上園亭枕白波，幽人高臥老烟蘿。
一官彭澤歸田早，四壁相如作賦多。
松徑曉雲羅鳥雀，水窗落日抱黿鼉。
問奇劇有扁舟興，悵望風濤阻嘯歌。

送旅菴大師入都

蕉園碧殿玉河傍

先帝曾開浴佛堂，都講競叅龍藏偈。
法王親捧鉢蓮香，鼎湖自下烏號淚。
塵世常浮般若航，重去摩挲遺勅在。
寢陵松柏已蒼蒼。

小集次魏惟度原韻

五茸城頭白日西九峰窈窕歸雲迷上客騎馬來
蕭寺主人斫鱸臨青谿銀甲泠泠花下響玉壺瑟
瑟巖間攜相如昔有美人賦醉裏還看爛熳題

奉贈陳右叅綠崖先生

崇陰幾載石頭城蔡戟牂牁萬里行銅柱嶺標秋
日迴盤江兵洗瘴烟清控弦番落環車拜椎髻蠻
童擊鼓迎漫道炎荒誰作賦東南憲府舊詩名

周子鷹垂往千山作詩訂之

故人結廬于將峰窗中削立青芙蓉長松晝日翻
白鶴懸崖暝色聞霜鐘男兒豈必論官閥南陽天

矯爲人龍自比管樂世未許君也磊落將無同憶
昔冒雪尋溪入銀濤鼓枻烟巒濕雲蘿壓檻裊裊
花霜梅窈窕瓊軒立主人憑高鶴氅裘山童沽酒
棕箬笠風塵此事隔半載夢想猶貪看雲壁龐公
堅臥不入城余欲茲焉來卜宅

閒居八首

客夏遠行役逢人多嘆喑今歲理詩書一室自晨
夕筆硯含餘清山花對几席東鄰有學者妙義通
三易幅巾扶杖來時時談在昔塵埃寡歡娛至道
堪悅懌睠茲投林禽無羨搏風翮

山水有佳境春秋多好花卜築依幽勝茅茨良亦嘉雲谿藏數曲路爲深林遮高下足魚鳥咫尺唯烟霞若無漁郎至何處尋人家

世事皆有託萬物快其生今朝風日好曠觀怡我情迢迢天四垂亦似欣晴明溪樹何沃若飛鳥相和鳴一壺掛樹下把盞獨自傾山鳥識人意踟躕殊不驚願叅莊周理出處均無營

讀書究往事閉戶絕塵鞅聊借簡冊情收我汗漫想日月遞盈虛雲霞共來往不知人跡希但覺庭草長庭草淒以綠白露何瀼瀼時光不可留芳英

歸宿菴

春風二三月綠楊滿前谿侵晨方盥櫛布穀催扶
犁呼童往田間芳草何萋萋溝塍決高下流水分
東西力作移日晷隔村聞午雞

沮溺欣有侶比屋兩三鄰耕鑿皆情話形忘誼彌
親一年敢逸豫力作尤在春厚生重土穀王道警
情民安分得天樂田家無賤貧

久欲棲南畝客遊惜未踐雅志服先疇耕稼固所
便好風從南來百草搖芳甸深耕須及時負耒黃
犢善維莠戒風詩非種載古諺閒閒十畝間帶經

自婉孌

好雨應農節，霽然來自東。高原與下隰，灌溉無不
同。今朝晴亦佳，秉耒隨鄰翁。良苗帶餘潤，依依懷
遠風。即景較時，若可以卜年豐。倘辟力田科，無溷
王君公。

同吳江徐臞菴同郡周鷹垂馮寶初沈彥澈
張持遠登一覽樓和楷菴大師韻

鹿苑莊嚴百尺樓，賓朋暇日快同遊。九峰雲抱丹
楹濕，南浦潮穿碧樹流。齋罷伊蒲分怖鴿，風來修
竹聽鳴鳩。應知高士開文選，劇喜驪珠得惠休。

得研山先生書

寂寞江潭賦七哀，忽逢雙鯉自西臺。
御河一派層霄上，那得流從萬里來。

春日偕梅巖鷹垂閒訪

猶記當壚舊酒家，門前烟柳任欹斜。
樊川一覺風流夢，閒對春光數落花。

其二

花滿青蹊黃四娘，杜陵當日獨尋芳。
嬌鶯戲蝶知無數，可有金尊自在嘗。

其三

蘭臺宋玉遊雲浦東國陳思眄洛川麗賦至今多
逸慕不知何處見嬋娟

其四

碧桃仙種自天台偏向人間任地栽莫道楊花勾
引去深紅淺白爲春開

秋夜侍家大人兄顓士子武飲有六二叔祖
齋

良辰綺席敞巖扉叢桂風清坐翠微樹裏明河懸
水檻花前涼露濕秋衣銀鐙光射昏鴉起玉盞香
浮紫蟹肥少長蘭亭原共集吟成相送月中歸

讀魏惟度枕江堂詩藁賦贈

寓公高寄石頭城一枕臨江客思清
帆去蕪湖雲影亂潮來京口浪花生
仲宣風物他鄉賦庾信兵戈故國情
遙想詩成對烟霧驪龍應避夜珠明

禹服徠遠招梅巖蓮菴堯臣鷹垂兄
顓士弟巖士同飲清逸堂

華堂密坐簇金鈿纖手探鉤翠袖傳
醉後不知蓮漏短月陰移出小山前

其二

痛飲諸君是我師青雲同恨致身遲
相逢且共花

前醉螺贏螟蛉總不知

其三

琥珀齊傾金屈卮坐中百罰更誰辭孟公不必頻
投轄我輩尚書豈有期

其四

吳姬十五倚新粧一串歌珠繞畫梁唱到馬嵬軍
亂處不勝哀怨斷人腸

其五

貢禹彈冠事未真椒蘭朋舊有誰親回思琴酒當
年客今日長安半貴人

送魏惟度讀書西湖兼訪其舅氏

西湖景物送君遊，此去應登湖上樓。
雨綠段橋深柳色，霜紅天竺晚風秋。
蓮舟女伴寒珠箔，水檻書聲雜棹謳。
祇恐渭陽情思切，亂離臺榭總悠悠。

送兄子武之江陰試

追思兩度客澄江，兄弟青燈對佛幢。
夜半竹房渾不寐，鐘聲頻逗讀書牕。

其二

江上高樓絕壁開，狂風憑眺憶徘徊。
征帆盡泊君山下，雪浪千層湧日來。

訓父山夫

羨爾才名二十年關河魚雁兩茫然父巖向老栽

瓜地

父山在禾中即父氏家山也

谷水重過落木天賓客談時

驚折角山川亂後紀由拳

山夫曾修青邑志

更知庭內嗟

霏雪把管難酬桂樹篇

送筠士上人之堯峰

攜錫尋師茂苑分講堂參罷靜香焚遙知夜月松
峯頂蓮鉢蒲團坐白雲

村居

年來移植遍花木似僧龕學道松溪曲躬耕素望

南晨餐依晚釣秋葦待春蠶自喜離城市龐公逸
興耽

其二

白鷗浮渚遠紅日下山遲粳稻新霜後川原晚步
時牧童晴戴笠鄰女坐調絲宛似柴桑里長歌陶
令詩

其三

草閣共誰憑秋風落木澄江漁沙外月鄰織夜深
燈酒力禁寒薄衣綿趁候增攤書懷遠躅詩讓古
人能

靜夜

靜夜虛堂敞風清月色纖松梧高石檻星漢逼秋
簾捉筆狂書卷看題細檢籤幽棲多勝事詩句稍
能添

奉送少宗伯田遜菴先生奉使還朝

禮樂春卿重山川越嶠賒一卣王錫命六節使乘
槎候騎通蠻樹朝臺散海霞蒲封天咫尺稽首對
皇華

其二

爵服王人宰文章鄭國僑玉環羞入市縞帶憶同

朝風月千山荔戈船萬里潮不須勤設醴回首戀雲霄

其三

使命三秋返程門十載懸言尋通德里獨泛剡溪
船杖履恭黃髮尊鱸薦別筵叨承星聚夜樽酒向
江天

其四

信宿談經地乘風畫艇行江花明水驛海樹拂霓
旌箕斗懸吳會蛟龍囓楚城還朝甌卜近黃閣念
蒼生

村居

木落秋將盡村醪晚更沽那知逢聖世偏自哭窮途
密葉垂黃橘疎槐下白鳥相看二三子寂寂老菰蘆

其二

每倚池邊閣閒看窗外松村虛斜得月寺遠靜聞鐘
候雁秋前至青苔雨後封此生何住著天地一孤筇

雪後寄懷及山夫寓居超果寺

桐廬高士寓花宮雪霽羣山檻外同玉澗鳴泉流

石磬珠林雛鶴下松風兔園賦後閒枝叟龍藏叅
時得遠公謂楷菴師也百里懷人還薄暮寂寥驗句撥

爐紅

雪後懷魏惟度

梵宮應作選樓名黃葉看殘白雪明孤塔掛窗銀
漢落九山環榻玉巖晴歌成豈許巴人和賦就還
生梁苑情惆悵子猷思訪戴扁舟猶阻暮濤聲

橫雲山人集卷之七

橫雲山人集卷之八

雲間王鴻緒儼齋撰

山暉集

水西草堂歌贈田髯淵先生

先生有草堂窈窕泖之側波心劍削九峰青窗裏
帆檣天一色沙嶼漠漠水雲濕愛聽漁歌舉網集
霽日濃飄岝口花雨昏時閃蛟龍立草堂高臥已
十年昔別此堂北入燕趙壹才名誰不識左思詞
賦爭相傳柏鄉魏公尤夙好每看落筆推神妙一
時文選國門懸直逼黃初風格峭漢廷卿相寡其

匹折腰五斗何須得歸來依舊草堂吟菱葉蘆花
亂鴻鵠嗚呼耕田鑿井唐堯力咏歌山野臣之職
君不見令長薄祿同鷄肋軍書戎馬紛如織上官
唾罵填胸臆何如先生草堂浸花石白眼閒看三
柳碧

悲歌行贈董樗亭

吾友吾友文章伯胸有萬卷無擔石吾友吾友嵇
阮流眼前一尊百不憂雄才自足排海嶽豪氣况
復凌王侯仄身天地困時命孝廉老矣嗟何尤城
西王郎情最得騷壇忝狎敦槃側蒿徑羊求自往

來四壁秋蛩意悽惻我一篇君百首我一勺君數
斗睥睨詩酒間狂呼露其肘聲華但使古人齊埋
沒焉知賤士醜嗚呼相如無官卧茂陵子雲投閣
著元經昔賢不遇亦如此空山魑魅窺精靈君不
見吾友董樗亭

題周子鷹垂小像

匝月故人江雨隔開卷忽晤秋巖側大笑胡爲貌
此圖爾學山僧我猶識丈夫勲名應須畫麟閣悲
哉磊落昂藏置丘壑青衫見之憎如讐翻覺緇衣
良不惡此中矯脫有深意乾坤炎熱堪逃避君不

見今日對畫顏色好明日對畫顏色老念此如何
散懷抱

短歌行贈趙雙白

閩嶠詩才何傑出前者石倉今雙白天矯不樂時
人識銳意高吟獨有得憶昔干戈走百越東泛蓬
瀛弄日月安期骨朽金闕摧鯨吞鼉吼嗟毫髮百
戰餘生到五茸子居巷西我巷東追游不畏襦襪
熱慷慨豈厭茅茨空酒酣奇句落我耳恍聞豫章
白日翻長風噫吁嚱魑魅憎才厄時命乾坤得失
真難定君不見盧循帳下歸來客金印銅符累侯

伯吾子磊落嶽崎竟何益

上元集吳六益梅花書屋分韻得天字

芳塘梅萼繞春筵
季重風流鄴下賢
滿座賓朋聯白社
一樽亭榭對晴天
市然火樹銀鐙亂
窗近巖城壁月懸
刻燭競誇詩句健
驪珠交映曲闌前

贈顧東籬

君抱龍泉切玉犀利之奇才
忍使錯落繡澀埋塵埃
斬蛇不遇赤帝子
氣燄夜燭蒼天開
憶昔江東五馬渡
血風戰霧乾坤暮
坐嘯誰誇安石碁
宮庭但鬪潘妃步
相國依稀記馬公
君當入幕參軍座

拂衣不聽安吳謀半壁山河從此破時平閒作滄
洲客枉殺陰符授黃石山中夜唱牛角歌欲起英
雄已頭白

送金潛五還秣陵分得迹字

寒沙落盡飛鴻迹谷水城西送行客海日孤懸睥
睨紅江峰九點芙蓉碧黃山第宅久蒼茫惆悵歸
帆指建康朱雀桁邊看故燕舊時王謝亦他鄉

送董蒼水之粵西

五茸春山青一樽城西亭落紅流碧澗雜樹聞啼
鶯江鄉風光媚人眼胡爲萬里天南行董子岍幘

仰而笑我生豈老滄江釣九峰培塿不足觀壯遊
百粵恣吟眺名姓應題銅柱巔車輪那阻烏蠻道
君不見供奉當年謫夜郎藤巖妙句劖青蒼又不
見柳州守嘯傲鐔溪銅嶺間蠻煙瘴霧棲遲久余
也聞言爲肯首歎息樗亭才八斗山川文筆兩崢
嶸不讓前賢李與柳別君念君還羨君非宦非謫
非從軍瀟湘翠色堪攬結縱目眺盡蒼梧雲嗚呼
殊方土物亦何有綠珠井畔枕椰酒蠻女停歌勸
客時故園此際相思否

村居

我家滄海畔五畝託松丘不吝花前醉常貪郭外
幽疎籬環遠岫密樹繞春流竟日啼鶯滿無須覓
唱酬

北行

薊北三千里江南四月時隻身從此別再拜向親
辭得失應難定文章豈自知趨庭詩禮訓一日幾
回思

其二

愛子他鄉去慈親慘別顏計今辭故國何日到燕
山征馬朝兼暮行裝河復關倘邀明主顧萊綵莫

遲還

其三

憶昔南歸日山妻早下機
今宵重話別挾策又京畿
膏沐誰開鏡霜華獨擣衣
相期分袂後莫使尺書稀

其四

吾姊通書史脩然林下風
每言應早達此去不途窮
紫貝分匳匣瓊修贈滿籠
叮嚀無限意珍重躍花驄

其五

文戰曾三北秋風更背城親朋來一送書劍事孤
征天濶江帆遠雲開驛樹明不知同學子健翮幾
飛鳴

其六

獻賦憑誰薦燕山我舊遊寒沙疑帶雪夏日似含
秋客裏思鱸膾天邊望斗牛應知別離後雁帛早
緘愁

獨酌

思家獨酌慘離顏隔斷雲煙有萬山明月自隨鄉
國夢夜來還上穆陵關

山店

離家飄泊杏花風
茅店猶開躑躅紅
對月狂呼桑落酒
不知身醉萬山中

寄書與南歸者

離家久已絕音塵
有客南歸值暮春
馬上相驚渾不識
何緣君是故鄉人

聞角

邊聲幾度起鄉思
茅店燈殘夜坐時
淚到征人原易落
不關哀角月中吹

抵京宿侍御施研山先生齋

別後棲江潭二載益顛顛讀書發孤憤長歌繼悲涕有懷明聖主未忍丘壑棄孔鄙鳥獸羣孟重出疆質吾生非無徒所以躡屩至載升君子堂一述腐儒志叨公久懸榻式用慰即次須臾羅酒漿陳饋潔且治開軒對落日西山靄然翠出我百篇文煩公運斤利先民有典型大雅良未墜自愧氣卑弱何以騁長轡慘淡士子心錯莫有司意得失兩茫茫立言千古事

秦子方回姚子赤城兄后張過訪

諸子游長安襁褓歷風雪三年喜一見客舍慰饑

渴秦子本不羈漢落意彌拙姚子頗豪邁談笑尚
激烈吾兄飽經史編摩老歲月非無公卿門落落
恥干謁見我故鄉來競前問家室荅言生理微春
旱土田裂種苗半已枯織作事亦缺有吏日追呼
四壁無一物望君賣文錢聊用充乏絕我行遣使
至鶉衣不能結寄語雖各殊蕭條景象一諸子聞
我言涕淚若湧出奮翅欲南飛山川渺難越嗚呼
天地間儒生固騷屑何時鯢鵬遊洪濤振溟渤

上祭酒徐公

祭酒東南傑德器負公鼎青年冠多士獨立丰格

整翺翔白玉堂著述金華省

先帝每召見恩禮迥莫並長楊陪射獵回中扈巡
幸宰相控紫韁命據驂騑騁侍從如堵牆企羨競
延頸人望屬臯夔公懷蕩箕穎浩然冰雪心萬頃
秋湖境及乎陟國師六藝闢榛梗講學扣華鐘能
令情氣屏小子愧有造文無一字警每篇加斧藻
燦如雲出嶺非荷不倦仁何由輒見省爰佩聖門
言森森江漢永

先帝曾諭大學士車公
引徐狀元上馬篇中故云

徐健菴先生過訪

茫茫宇宙間先達誰下士南州有長公弘獎益無

比常於羣馬中物識千里驥鯁生本迂拙自揣爲
世棄却掃僦古屋漫滅禍衡刺非矜顏燭高恐抱
陽鱈愧何意來高軒惠然肯先賁綠槐蔭長衢一
繫從者騎傾蓋如素知吐納皆妙義胸中無不有
浩瀚海涵地先生昔未貴讀書碧山次几席絢朝
霞筆硯流晚翠吾父時已達壇坫久樹幟每一誦
佳文謂當三舍避小子方弱齡姓氏良默記平生
嚮往心今朝偶然遂謬承推許殷懼貽衡鑑累吾
聞文章家須得古先意景仰高山巔登陟從此始
宋荔裳先生招同諸子飲梁家園卽事

霽色花間散玉珂招尋芳徑暇相遇客從元禮聲
華盛賦到蘭臺託諷多半頃湖光搖畫艇一簾香
氣撲新荷當筵不吝分牛炙惆悵風塵發浩歌

其二

薊北風沙到眼稠林塘此地一何幽久棲廡下寡
疎豁暫喜花前陪宴遊鳥度柳枝聲上下魚吹荇
帶影沈浮公今旦晚專旌節賓從羣登百尺樓

其三

詞壇誰是策奇勲海內靈光剩有君東國孔融原
獨步西湖白傅可平分

觀察曾
官浙中

林間綠酒常浮月

座上清歌迴遏雲滿眼非無千里駿長鳴伏櫪幾
人聞

其四

憶昔扁舟泖水邊相陪詩社幾畱連銀鐙細雨分
題夜紅藥狂香載酒天睂目崔陵清似畫風流李
白迴如仙不堪裋褐金臺畔冠蓋重逢却惘然

司業李公招飲花下

夫子廬國秀早歲登金門詞華星斗燦浩氣江河
奔伸紙數千言字字羅奇珍始知郊島輩寒瘦非
才人吾觀詞苑內著作藹雲屯刻畫競一體風雅

道未尊孰若涵萬派天際來崑崙陶謝不枝梧小
家曷足論譬彼豫章材萬丈蟠深根鰕生詩思弱
靡靡青草翻恐無夕秀時遽委霜露繁花間得問
字皓月如車輪推獎兼訓迪感激古誼敦

飲吏部西樵先生寓齋

草樹菲菲滿院香雨餘夏日生微涼主人揮麈倚
綺席客子看雲浮巨觥詞壇珠玉誰咳唾君家弟
兄相頡頏新城甲第今無比江左蕭條朱雀桁

同王成博韓元少諸子飲少宰宋蓼天先生

寓齋

乍來旅舍解征鞍折簡招呼看藥欄猥念通門延
客座不妨遊子尚儒冠雲歸御苑千花晚雨過燕
山五月寒自是早朝多啓事却將杯酒罄交歡

集大宗伯龔芝麓先生齋

別公二載餘遁跡吳雲末遙望北斗深光華爛天
闕猥承元晏序敝帚聲超越用此重自勉狂歌興
彌發今朝來燕都櫺具復上謁不棄逢掖賤吐握
敘饑渴示我百篇詩詞場藉生活嘗觀涸泉魚陸
處相濡沫豈知運海鯤振蕩日月窟公才羅羣有
懸河瀉不竭頃刻揮千言斟酌到毫髮直具少陵

氣迴得建安骨小子窘尺幅識爲時流沒今覩學
海寬始悟詩境濶高談把酒杯春風滿襍褐願公
作姬旦餘事續楚屈

行藥

客舍炎蒸三伏時久稽行藥覺神疲借來官馬尋
蕭寺閒與山僧讀古碑

同鷹垂元禮諸子餞宋荔裳先生觀察蜀中
此去重鐫劔閣銘駸駸騶從出都亭天階曉月辭
仙掌益部清霜耀法星花對錦官疎雨白雲瞻玉
壘萬峰青外臺豈久勞丹筆優詔還徵入漢廷

七夕

烏鵲橋成夜色新
人間兒女競相親
蛛絲宮裏開元盛
犢鼻庭中阮氏貧
可是雙星逢此夕
漫教孤館暗傷神
七襄織得無窮巧
欲借龍梭隔漢津

客夜

客夜愁無際
秋風景倍清
孤鴻千里月
四壁一蛩鳴
獨坐親長劒
攤書對短檠
故鄉歸路杳
此夕夢難成

秋望

秋色滿燕關
城頭萬仞山
玉泉來樹杪
金闕峙雲

間霜老寒花落風高旅雁還蕭蕭遠遊子衰颯損
朱顏

雜感

不識乾坤內艱難是客遊孔融常奪謁宋玉但悲
秋地迴風霜苦林空鳥雀愁上書歸未得旅舍漫
淹留

其二

京國園亭少閒行到梵宮佛螺含檜雨瓦鼠竄松
風布地傳中禁穹碑列上公百年興廢事惆悵意
何窮

其三

明月爲誰好秋光百萬家朱樓窺玉鏡孤館望仙
槎砧復幾時斷酒從何處賒應憐虛幌客辜負此
年華

其四

萬國車書道盧溝列障多長橋疑玉蝀濁浪似黃
河野戍圍氊幕高原散橐駝丸泥封隘口憑眺意
如何

其五

幽薊臨邊塞沙昏日易斜驛亭團馬矢官路塞柴

車間俗輕金革何方玩物華客愁全未減城角更
悲笳

天寧寺訪友

紺宇天都外高原一徑分舊遊重過眼訪客爲離
羣塔影斜侵殿鐘聲迴入雲林間繫馬寂莫對
斜曛

贈沈繹堂先生

明初二沈書傑出布衣選入官中祕先生文采繼
昔賢上第看花致高位少年臨池水盡墨秦篆漢
隸參胸臆姿態微分舞掌輕圭角全含扛鼎力世

人但知嫵媚好忍使蘭亭亡古則先生執筆如遇
敵歐骨虞筋有心得一時碑版照四裔好事盈門
鐵裹闔聲名烜赫騰天闔聖人召見登明光金
璫常侍列階側銀魚學士趨案旁先生濡毫倚玉
管瓊箋十丈含星芒躊躇滿志方一發精銳欲倒
鍾王牆是日天顏大悅懌親揮巨幅字數行勢如
金電掣雨至爛若雲漢參龍翔先生目炫驚捧日
敢道臣書亦第一吾

皇解賜紫貂衣色潤毛深光似漆羽林將士矜拍
張此時却羨懷鉛筆傾城士夫走相賀鶴蓋成陰

衢巷溢嗚呼遭世明聖非偶然幾人上殿揮雲烟
君不見內史叢山書竹扇止令女姥求百錢

秋風

秋風萬里吹客衣霜林落葉寒依依高城日夕牛
馬入古道雲黑沙塵飛羈身輦轂恐無補滿浦尊
鱸何未歸會稽山水名士宅晉代遺踪應可希

送友人赴寧夏幕

薊門城頭吹觱篥短衣送客氣蕭瑟風吹出塞不
盡雲沙暗銜山欲落日君行萬里何足歎從軍幕
府登征鞍時清單于久徙帳好挾雕弓獵賀蘭

與侍御徐山琢先生兄后張花下劇談即事
制舉非古風七藝更何以徒雕士子肝無裨孔聖
理略似優孟徒衣冠強相擬當場供一噓漂撇如
敝屣本不由靈臺何曾定轍軌有司嘗目瞋棄珠
拾薏苡旁觀競不察乃曰此即是滄滄互標榜舉
世混臧否間或窺容光於道終骯髒更有譏譏者
埋首欲穿几割裂韓歐法穿鑿程朱旨譬束樊籠
中安得搏萬里先生天人姿口有懸河水花下共
論文每至日移晷肯許吐奇氣一洗積年痞結習
從此除浩蕩窮經史

咏古二十首

秦時大夫松婆婆歷霜霰千年摧爲薪無復保峭
舊睠彼巖穴士白雲空婉孌孤直難久存幽貞詎
詭銜由光義至高文辭不概見哀哉采薇歌天道
未與善舉世何茫茫三嘆馬遷傳

夷吾穎上產少時常苦貧鮑叔略小節升爲齊國
賓善因致主霸一匡周室尊孔子嘆微仲嘖嘖稱
其仁孟軻始顯詆非王乃不陳聖賢有經權下士
無苛論

老子務自隱盛德貴若愚莊蒙取適已著書詆孔

徒申韓綜名實所尚似殊趨推原本道德史遷不
我誣厥後劉伶輩競爲達士模或亦祖清靜於儒
廢津途

周衰王政息列國尚功利蘇張行傾危縱橫各豎
議騶衍說怪迂或有牛鼎意世主畏其術俱奉上
相位卓哉孟子皇皇談仁義遊歷困齊梁七篇
爲世棄

戰國四公子信陵最下士置酒奉監者引車過屠
市設計竊虎符奮椎殺晉鄙救趙却秦軍威名無
與比及乎魏告急誠門弗通使毛薛一爲言趣駕

母稍竣仰攻函谷關秦兵盡披靡晚歲王中讒飲
醇以沒齒空經易代後漢帝命官祀

伍胥仕強吳破楚南敗越勾踐棲會稽存亡在毫
髮吳信太宰謀忠言乃屢紕厥後賜屬鏤仰天氣
勃發抉眼懸東門用以觀越卒鴟夷浮江中精靈
耿不歇至今祠廟前怒濤蕩日月

相如智勇士挾璧西入秦秦王坐章臺以璧示美
人合殿呼萬歲償城不復論相如給還璧倚柱發
怒嗔請王齋五日廷中設九賓間使懷歸趙鼎鏤
甘具陳秦終莫能加言返邯鄲闔汨乎澠池會秦

王安自尊鼓瑟勢難已進銳氣彌震張目左右靡
賁育誰與倫廉頗偶相左引車何逡巡至剛化爲
柔愛國非愛身

魯連真倣儻高潔無纖塵驅車遊邯鄲誓死不帝
秦秦軍正合圍甲冑光鱗鱗忽聞建此議奔迸若
雷震迨齊苦燕將射書聊城闔千金既弗受高爵
詎能臣功成拂衣去訢然樂海濱

博聞燭治亂千古稱屈平當其造憲令草藁還未
成上官奪弗予讒謫由此興疾王聽不聰朝夕心
怵怵一篇三致意離憂滿太清被髮湘江上懷沙

空自鳴人窮則呼天天意如含醒湯湯汨羅水長
流幽怨聲

西漢兩大儒長沙與江都治安得政要天人握道
樞伊呂無以加漢廷誰其徒絳灌乃忌嫉公孫復
枝梧遇主不竟用王傳以終軀後世尚相惜當時
何見疏咄此秉均者孔子戒鄙夫

君山好古學意常非俗儒廷對不談識皇哉翊聖
謨披鱗遭斥逐失志終長途敬通事更始屯軍界
休隅屢說乃歸命幅巾何于于納妻取詈已厥義
良非誣世祖竟不亮曩節誠爲迂兩賢博羣籍疲

曳堪長吁

張堪拜蜀郡計破公孫帝入城閱庫藏珍寶百萬
計得其捲握物足以富十世及堪去職日輟折布
被敝廉范救急難變姓作獄隸融亡竟不言千里
挽靈轡今人徒見金何況死生際

聖人道至大處亂貴默容青松在巖谷無言自春
冬申屠樂幽潛十畝田衡從因樹結爲屋秉耒身
同傭屢徵却不起絕迹梁碭中元纁空燦爛遙隔
青芙蓉舉世羅黨錮何似高飛鴻

陽春回大地習習生祥風曠觀萬物理樂在溫

中至剛則必折悴直非處窮戴禮詳五諫諷告爲
最工咄咄李行祖憂國忘厥躬露布斥帝者班檄
移三公誅死竟不顧冤埋獄底蟲空傳賈刺史墓
石揚孤忠

孟博厲清裁如刃齒腐朽坐繫北寺獄臯陶祭何
有既齊李杜名何必期頤壽昂首從龍舒顧弟養
其母毅聲激頽俗浩氣衝北斗授命固自勇全生
亦奚負縹緲林慮山尚有逃名友

彌衡好慢物曹公尤所鄙稱狂不往謁乃召爲鼓
史脫衣著單絞一奏漁陽技聲節既悲壯容止復

迤邐聽者皆慷慨裸身更自喜操也顧而慚融曰
豈當爾咄彼亂世雄難辱天下士

神仙本虛無非可學而至景純希輕舉青囊術殊
異投策避東南鐘鐸辨符瑞欲禳絕命期被髮間
如廁桓彝醉忘誠掩觀犯前忌驚嘆兩不免無待
逆敦事南岡柏樹陰兵解或有意

名人晉魏間全生無善術嗣宗本宏放豈被司馬
誅武帝漫求婚一醉六十日痛飲具妙用慟哭示
狂率嘗登武牢山企望嘆京室三復咏懷篇文深
意蕭瑟

嵇康龍鳳姿雅量涵高遠採藥游山澤得意每忘
反飲酒號七賢竹林事嘉遜何意來士季踞鍛示
偃蹇傷生在用光得毋聞道晚

風騷日以替靖節溯其源棄官歸栗里黃菊滿秋
園撫琴一酌酒嘯詠皆名言良由意趣遠所以雅
道存後世事雕績務華徒傷根

月

寂莫中秋月清光照客杯一輪滄海外萬里薊門
來露覺衣微潤香知桂暗開閒愁何處減應任玉
山頽

古寺

獨策蹇驢尋古寺一憑高閣對清秋平生止覺羈
塵鞅京國雖來豈壯遊雁塞萬重圍翠嶺桑乾千
古自渾流聳身那得天闡近爲問興亡弔薊丘

喜外舅袁公至兼得友人書

外舅三衢守清風歷數年歸舟空載石負郭舊無
田吟詠非時好宦游因自然茲來同逆旅霜落雁
鴻天

其二

燕市一杯酒解鞍日落時書囊來故國山客寄新

詩動我尊鱸興感君雲樹思應隨九峰下共采菊
花枝

京兆榜後同年諸子集城南張園即事

鳳城南陌秋林黃同人聯騎來雲莊平川一望風
日霽西山萬仞摩穹蒼高堂却與山相對合沓屏
障開輝光千峯萬嶺翠欲滴遙獻我輩浮清觴玉
盤瓊羞列綺席雕闌紫岫花低昂梨園弟子皆妙
選絳唇朱袖調笙簧歌聲迴入碧雲去似斷不斷
含悲涼杜陵多年塵塞耳人間何得聞霓裳滿堂
磊落英俊士龍章鳳質神飛揚霜蹄暫展未足喜

誰先蹀躞游天閭百年升沈總莫定彈冠結綬殊
茫茫但願同門諧管鮑富貴貧賤毋相忘君不見
園中卉木列無數惟有青松傲雪霜

喜兄計偕至京

昔我離鄉國春池碧草深今兄來客館燕樹朔雲
沈共映窗前雪聯吟月下砧墳麓無限好明發古
人心

其二

鶴髮庭闈健天涯游子安經時勞遠夢相見慰加
餐客舍庖羞薄燕山夜坐寒不知蓬島樹何處可

棲鸞

除夕同伯兄作

京華同守歲柏葉泛深卮故國三千里殘年十二
時通宵喧爆竹不寐掩羅帷遙念高堂上應多遊
子思

其二

不識流光易偏催作客身銀鐙猶照臘玉漏已含
春此夕桃符換明朝鳳曆新弟兄同入洛珍重上
書辰

其三

吾父辭榮久高風傲鹿門今宵椒酒列闔室獸爐
溫臘謝庭中樹春生江上村豸冠應待曉望北拜
君恩

其四

仲氏方龍臥稱觴鶴髮前椒盤承舊俗火樹接新
年盡室娛今夕看雲悵各天春池應得句早待寄
幽燕

橫雲山人集卷之八

橫雲山人集卷之五

望雲集

陪外舅太守袁公飲魏環溪先生寓齋

華嶽丰神白鶴姿
行行驄馬動京師
李膺座有風霜氣
賈誼書多涕淚詞
爽入碧天秋隼健
寒深蒼柏夜烏知
聖朝滾職曾何闕
民瘼勤求許叩墀

其二

幽燕春至雪猶寒
少長銀鐙坐夜闌
木榻無塵皆古冊
菜盤有味是儒餐
每當蓬牖談經日
願作楓

宸折檻官今見鉅公愁隻手始知搏擊事殊難

帝京春四首

帝里青陽啓天衢綠勝新鵝鸞金闕客翡翠玉樓
人寶曆開三朔雕盤列五辛家家歌吹滿共樂太
平春

其二

堯草初開莢虞歌乍拂琴青郊迎淑氣碣石滿春
陰瑤觀金支滿龍宮寶樹深五陵裘馬客何處不
登臨

其三

到處歌鐘盛雲霄甲第連帝京真似海春色浩無
邊金帖幡成隊銀花樹作烟更聞排綵仗角觥未
央前

其四

璧月初圓夜金吾微禁宵鯨吞蘭炬轉鶯借玉笙
調遊伎皆珠珮王孫盡紫貂天門魚鑰迴聯袂度
星橋

燕京風俗元夜婦女上正陽門
橋摸城門釘爲戲識宜男也

贈俠者

萬丈龍光劒雄心擬向誰贈君腰下佩莫刺市中
兒

登大慈仁寺佛閣

傑閣凌雲迥憑高一嘯歌北窗圍紫塞西檻落渾
河遠見行人小平看去雁多故鄉遮萬疊爭奈白
雲何

朱秩公下第攜酒慈仁寺松下酌之

百尺蒼松下相攜倒玉壺偶然遭返轍無事哭窮
途鱸憶齊王掾蘭滋楚大夫知君詩思切一艇蕩
江湖

其二

風雪長安邸三冬共著書朗吟朝日墮小酌晚鐘

餘今子獨歸去幽懷尋遂初
泖峰無限好遲我樂
畋漁

送友人南還

天京城外繞西山山下桑乾水
百灣出祖高原登
眺濶憐君孤劍道途艱
津橋柳色全迷驛茅店鷄
聲幾度關客裏不堪還
送客故園花草自斑斕

伯兄南歸賦別

吾兄南國秀弱冠登賢書
手握徑寸珠照耀十乘
餘風塵遭按劔三獻靡所如
緘以投清淵返駕歸
蓬廬

蓬廬伊自昔結蔭谷陽口青松旣被岡黃花亦盈
畝兄歸上高堂甕有宜年酒懽言奉兕觥肅介父
母壽

吾父柱下史著書五千言父年解組綬婉孌棲丘
園京洛顧母噫伐檀聊用敦偕隱忘歲月幽蹤追
庶門

鹿門采藥去攜子南山陂伯氏旣吹埴仲氏復吹
簾季也幼不學趨庭聞禮詩一朝出應舉謬爲時
所知

時知亦何益碌碌風塵者天衢雖自寬不如五湖

野春花秀新畦秋蓮結古社旦晚當歸來與兄酌
風雅

初夏送友人歸

送子南浦去蒲葵搖細風讀書柳陰下蕩槳荷花
中千古可自命一觴誰與同放蕩天地外寧復知
王公

送顧見山先生分憲洮岷和原韻

秦中古天府奄甸苞雍梁差峩連洮岷西控氐與
羌幽谷穿杳突亂峰插青蒼漠漠關月白蕭蕭邊
雲黃西傾兼東隴摩雲鬱相望土瘠民氣勁豪姓

雜燒當其地稀梁稻衣食宜牛羊苦舍數百楹居
然雄河湟往往列亭障中夜悲甲裳我后馭六
合窮髮同吉康此雖邊塞地已作禮樂邦丈人何
夭矯夙昔懷騰驤名與嵩華峻心期鴻鵠翔慷慨
辭青瑣言駕隴坂陽金書下麟德玉節班建章國
門列祖帳飛蓋追金張豈不惜賢俊聖謨重封疆
朱麾指鹿塞翠幕臨龍荒中庭驅虎貔外廡羅驪
驪決拾千金士劒戟六郡良奉我丈二組賁我日
月光丈夫志萬里所貴書旂常壯哉定遠侯烈烈
炳殊方何必承明趨然後流芬芳行矣莫惆悵功

成報

天王

同友人遊某氏園

頗有園林趣相攜暇日看柳含春霧重花帶曉風
寒文砌繁香草芳塘瀉錦湍一觴還一詠清興滿
琅玕

登寺閣

雨餘風日淨攜客款花關愛此松間閣遠看城外
山歸雲空裊裊飛鳥自鷄鷄靜得無生理何須待
乞閒

署中讀書

蓬池新雨後玉署曉風初庭草承茵坐槐花落我
書典謨經漢啓圖籍自秦餘聖政惟稽古無勞賦
子虛

月

猶是三江月清輝到薊門虛隨孤客影愁對別時
尊似借琴書潤誰添蘭麝溫深閨當此夕織錦欲
何言

送友人赴總戎幕

傳道河西路荒涼不可聞入春惟白草終古是黃
雲子詡才無敵翻然欲佐軍倘逢班定遠鄴善策

奇勲

上座主孝感館師

九峻蜿蜒臨瀟湘千仞萬仞摩青蒼
我夫子直與竝名高象緯身騰驤
致君明道天人策不須神鬼談
宣室中秘由來帝座通夜半
藜光迎太乙是時神叢氣莫當
雲霧在手鵠方張誰言帝傍多玉
女忍使閭闔長昏黃封章夕拜豺
狼伏丹心竊渺通黃屋謝安當日
推宣武魏相於今驚博陸

主真堯舜臣臯益從容密勿揚天
澤朝陪鳳幄御花紅夕退龍樓霜
月白禮樂百年雲爛熳講筵縹

帙暉銀漢康哉一德賡歌新蒼生重仰光華旦屹
然砥柱闢龍門巖巖河洛千年尊直共濂溪與鹿
洞同探月窟攀天根緒也問字親留文春風披拂
高山仰側聽宮中奏五英璫簫再和鈞天響

奉題宛平大宗伯畫冊

渺渺波光萬派通曉峰和翠落晴空數家人住春
蕪外兩岫鶯啼嫩柳中

其二

永碧磯平似釣臺茅亭空倚翠微隈山深盡日無
人到一道飛泉絕壁來

其三

村莊二月扇東風隨意看春野徑通不盡峰巒當
戶碧滿園桃杏出牆紅

其四

鳥道松杉占寺前巔巘層嶂出雲烟客來採藥山
僧少苔鎖宮碑不記年

其五

絕頂千竿一草亭拂雲穿徑落空青幽人也自饒
絃管竹裏泉聲雨後聽

其六

墨嶺連陰白日昏參差烟樹鎖柴門先生此景誰
相似暮雨吳淞江上村

其七

秋深霜氣著林巒萬壑千巖木葉丹多少晚霞遮
不斷西風吹落楚江寒

其八

圍合山光滿綠汀岩前飛瀑晝泠泠仙人閣在澄
波上坐愛丹楓映翠屏

其九

最愛江村暮雨濃墨花輕抹暗前峰莫嫌半幅鴛

溪絹雲氣千重與萬重

其十

老檜長松暗絕巔芙蓉丹嶂迴摩天蒼茫一道通
銀漢雲際奔流萬仞懸

其十一

籬落依依接遠烟幾家樓閣映江邊漁人莫問桃
花信錦石秋林似輞川

其十二

寺外泉聲隔澗聞巖邊古壩氣氤氲華陽洞裏人
稀到惟有青松和白雲

其十三

一望寒沙最悵神
千秋戰伐幾揚塵
惟餘古殿黃河曲
白草蕭蕭不見人

其十四

十月龍沙慘客顏
寒風先過玉門關
一聲畫角黃雲暮
腸斷交河雪滿山

其十五

幽襟恰喜碧山斜
行坐看雲水一涯
釣艇自橫春寂寂
綠陰深處幾人家

其十六

太傅庭前繞鳳雛更看勲業倚公孤東山盡日無
塵事一幅閒情海嶽圖

徐果亭蔣莘田馬殿聞韓慕廬小集慈仁寺

松下

官閒無一事選勝不知疲爲愛花間酌兼尋松下
碁啼鶯相和切舞蝶並飛遲坐久移庭晷禪房鐘
鼓時

同丁駿公王鶴汀集顏澹園齋

同巷頻相訪高吟到夕陽有琴堪抱膝無核可傳
觴樹借一庭蔭花畱滿屋香百年如過隙休負此

清光

送友人入蜀

知爾歸無計
蠶叢且一行
那堪孤客枕
都聽夜猿聲
雨暗巫山館
濤喧白帝城
經過題秀句
莫讓浣花名

貽友人遷杭州守

憶昔青門別
行裝駕紫駝
今君新作郡
何日共鳴珂
天竺松浮翠
西湖月映波
風流蘇白擅
登眺意如何

訪高澹人城北不遇

城北幽居僻晴雲護竹扉童延芳徑入鳥向隔林
飛髯几明細帙雷琴潤玉徽如何金殿直薄暮未
曾歸

同嚴蓀友潘次畊集徐座主齋

樓外堤環柳窗前水向城開尊當沐日捲幔喜新
晴潘岳閒居拙嚴光釣瀨清從來元禮座四海盡
知名

過德清蔡座主齋

夫子聲名大龍頭德望尊天人董相策治亂賈生
言客去常懸榻朝回但掩門無心戀朱紱幽思滿

山村

其二

不用徵絲竹談經到後堂側聞長者論可止世人
狂庭草晴添翠巖花靜有香詩書銷白日用舍任
行藏

送外舅袁公之平陽太守任

驪歌盡一觴徙倚青門別五馬騰驂驪祖帳車填
咽征塵氣似虹驛柳絲如纈行行渡滹沱迢迢出
井陘險道扼燕趙千嶂開五丁迴合連太行到處
浮空青中包河東郡古屬陶唐國女人不冶容礼

札弄機織男子無嬉遊釋釋藝黍稷公昔治三衢
兩袖無一錢今知蒞平水涓滴皆廉泉訟庭對姑
射與民看雲烟露冕或循行甘雨隨白鹿中條多
隱者可訪王官谷政成神雀來慰我數行牘

五日

長安五日風景妍蓬萊冠珮齊朝天朝回邸舍開
錦筵滿庭的的紅榴然烹鶩裹黍羅豆籩蒲香雄
精銅匱研和以醇醪流朱泉先生把杯渾可憐數
勺入口如乘船憶昔屈原沈湘淵靡靡江芷經千
年後人無復哀前賢競渡翻作樂事偏木蘭畫舫

搖金鈿今來薊北沙滿旰艾虎滿戶車隨肩蕩漿
何處尋清川日午只合耽醉眠應門童子客莫傳
我夢欲到三山巔

黑龍潭

市月無由散客襟鳳城南陌漫幽尋龍蛇古洞含
波黑神鬼虛堂鎖柏陰千里未窮登眺目一尊聊
暢短長吟鳴騶興懶催歸騎不覺西山夕照沈

贈朱竹垞

南湖人物憶經年相國遺風數象賢石室幽情琴
操裏竹林高致酒壚邊閒尋奇字因君問劇喜新

詩傍我傳滿腹陽秋成往事後庭狎客不堪編

遊天壇道院

南郊園殿矗雲端柏樹森森繞碧壇蒼璧燔柴來
萬乘青幡祈穀擁千官笙歌鸞鳳參霄響羽珮星
辰拂曙寒周禮至明光大典聖朝禋祀不須刊

送友人南歸

萬馬雲屯冀北野風塵誰是伯樂者畫圖市駿懸
黃金騏驥顧扼鹽車下吾子吐論多違時著書百
卷人莫知一朝散髮且歸去把鋤種豆南山陲嗚
呼把鋤種豆南山陲世上駑駘負乘將奚爲

三伏歎

長安三伏苦午熱日赤塵紅氣酷烈閒曹謝客不出門汲水磁缸貯清冽平頭搖扇尚揮汗一卷橫看肱欲折五侯潭潭甲第深湘簾梧檻畱濃陰水晶屏側冰作岫寒光四射鋒嶽鄰家蒼蠅暗飛入疑是白璧可遺跡鼓翼而上凍欲僵附炎得冷良何益君不見暑往秋來事如換人生涼燠常參半覆雨翻雲垂古諺

寄宋荔裳先生

益部遙瞻法曜懸外臺丹筆更誰賢雞鳴風雨人

經歲雁度雲山路幾千工部詩雄三峽水茂陵文
動百蠻天循行亂後應多感古木荒城見杜鵑

七夕讌集

鏘鏘金門侶蓬池集芳讌白榆皎夜光銀漢垂如
練文牕仰禁垣涼颺下月殿競言屆綺節穹霄諧
婉孌參差鵲駕填髮髻雲鬟見靈匹曠一水終年
阻歡宴令我託金石朝夕羅邦彥槐陰覆琴樽餘
花落詩卷矧當瓜果陳嘉旨方圓薦高談燭膩盤
坐久壺催箭良會悵宵促情至理宜遣玉笙本虛
無犢鼻何繾綣琢磨愛景光咏歌寄親串誰謂河

無梁濟川真所羨

西苑秋晴

御苑金風碧樹秋
蒼蒼霽色滿皇州
城分五鳳朝霞散
殿繞羣山積翠浮
朱草花明圍錦石
紅蓮霜落隱龍舟
圖疇講罷鑾輿出
憑賞卷阿作勝遊

其二

建章複道接離宮
光啓千門瑞日紅
桐岫畫翔威鳳羽
蓬池晴動石鯨風
芙蓉倚岬清泉落
仙菊浮巖紫逕通
遙矚宸居逢九月
無衣頻念萬方同

召見 乾清門恭紀

龍樓光啓謁 乾清絳幘初聞報曉聲三殿輕雲
移雉尾九霄仙露落金莖香浮鷄鶩 天顏近花
覆圖書 御榻明筆札尚方叨染翰願陳無逸奏
昇平

其二

清禁迢迢日影遲蛾班恩借上林枝南宮劒舄依
丹陛東觀文章獻玉墀浮海向傳馴雉瑞旋師新
靖碧雞祠須知 聖德原無外九域於今順五時
遊亦園呈益都相國

謝公別墅鳳城東疊石疏渠紆陌通臺榭迴分千

堞下林泉原近五雲中行隨柳帶牽衣密坐對池
香撲酒空聖世調羹多暇日移來劒履遍春風

其二

休沐從容啓石扉雲含積翠落花稀芳潭舊見蒼
龍下綠水新看白鷺飛繞屋烟巒晴更出隔林鐘
磬晚來微長安自有仙人宅姑射何須想振衣

其三

結伴間尋小徑幽辟疆水竹擅風流虛堂樹影侵
雲溼平圃花香向日浮張坐儘呼從吏酒濡毫任
詠庾公樓不教人境喧車馬杖策疑同汗漫游

其四

爲愛林巖對古城蕭然物我共陶情
但從裙屐花間到不禁漁樵樹裏行
檻矚西山琪樹迴地穿丹井玉泉生
願隨絳帳頻遊賞祇媿難酬白雪聲

秋日早朝

燎光晨起禁城烏闐闐秋聲下
碧梧樂奏瓊樓傳鳳吹雲開丹陛徹
嵩呼龍媒珠勒排天仗仙液金莖引
帝壺聞道雄藩移節鉞宵衣頻按九邊圖

秋懷

碣石風高落雁哀
清秋無伴獨登臺
天低野日荒

荒白地澗寒沙莽莽來孤客星霜顏易改故園松
菊首頻回當年宋玉章華畔蕭瑟增懷動賦才

其二

每逢節序喜題詩况復幽燕動客思祇覺鶯花頻
過眼那堪霜露已經時關山月引蘂砧怨天地風
含草木悲紈扇多情當此日可能還向手中持

送李厚菴前輩假歸

汾陰賦罷五雲開聖主真稱李嶠才畫錦暫辭
丹鳳闕秋風還上越王臺荔奴倚嶺穿花出螺女
浮江度雨來莫道藍溪高卧穩絲綸早待入蓬萊

送崑山徐座主南歸和原唱韻

寒砧九月薊城颺別館離筵醉莫辭池上鳳隨荀
令去江邊鹿有美門騎石欄黃菊飛觴夜玉澗丹
楓刻燭時遙憶東山秋色好謝公行處任題詩

其二

蓬萊仙閣度輕颺此日同驚白雪辭春色芝臺鸞
共起秋陰金埒馬偏騎風流東觀追前哲人物南
皮話舊時獨悵龍門違驛路那堪還唱渭城詩

其三

鳳闕秋深急暮颺釣竿欲把掉頭辭橋經灞柳猶

堪折客遇仙羊且並騎嶽路雲濃花落後河流氷
合雁來時行看夕對開宣室祖帳先吟山甫詩

上閭師高陽相國

崑崙弱水誰可渡前有鄴侯今我公玉山爛爛幾
千仞風雲契合崇黎宮華蟲五色親作繪精誠廿
載丹宸通黃金之釜神雀鼎手調鹽梅成帝功畫
圖不讓張車騎劒履詎減蕭文終雲門奏罷常造
膝從容日是龍樓紅溫室密語人不聞但令海內
羣呼嵩薊門十月河氷合西山寒照晴烟空此時
天下盡歌舞宓妃玉女來趨風翡翠樓頭鳳皇曲

梅花欲落吟歸鴻滿蹊桃李自爛熳當軒瓊樹何
菁蔥鮓生幾叩宮懸鐘笑談風月鈞陶洪今日奉
觴樂上樂公名原在蓬萊中

冬日雜感

幽薊逢冬月蕭條萬象空天寒山少翠地迴夜多
風冷署真何有孤樽誰與同攤書聊自哂斗室傍
爐紅

其二

雁堦題名後鷺坡數十人柯亭常染翰蓮沼並垂
綸讐校知前繆狂歌任我真他時登要地莫負致

君身

其三

迢遞三千里移家近半年鶯花吳苑日雨雪薊門
天節物屢更律孤帆何處船津關多梗塞盡室畏
途邊

其四

一月朝叅數寒宵興倍慵頻欹孤客枕乍逼五更
鐘忝竊蛾班末疎狂聖世容自慚無寸補江畔
憶青峰

其五

官冷庖厨薄朋來倒一樽忘形堪荷鍤滌器可穿
禪木落庭陰少沙含塞日昏二豪如侍側應與醉
中論

其六

入署真無事消閒對簡編尚方勞給札光祿費排
筵背日窗凝雪圍爐慢裊烟吏人持掌故明日又
宣傳

家累至京

幾度牛衣泣宮袍乍得頒別來驚換曆相見喜開
顏弱女青絲額家姬翡翠鬟綺羅難耐冷白雪滿

燕關

其二

別久新相聚尊卑盡室歡尊羹休用憶鱸炙且加
餐剪燭分宵詠薰衣護早寒無如親舍遠歸夢路
漫漫

橫雲山人集卷之九